



Na osnovu člana 69. stav 2. e) i 70. st. 1. 4. i 6. Zakona o javnim nabavkama („Sl. glasnik BiH“, broj 39/14), u otvorenom postupku za izgradnju glavnog kanalizacionog sistema na području sliva Babina Rijeka-Zenica, dionica Kula-vodozahvat Kasapovići, Gradonačelnik donosi:

ODLUKU
o poništenju postupka javne nabavke

Član 1.

Poništava se otvoreni postupak javne nabavke za izgradnju glavnog kanalizacionog sistema na području sliva Babina Rijeka-Zenica, dionica Kula-vodozahvat Kasapovići, iz razloga što su cijene prihvatljivih ponuda znatno veće od osiguranih sredstava za predmetnu nabavku, a u skladu sa članom 69. stav 2. tačka e) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-15057/20 od 29.07.2020. godine. Obavještenje o nabavci broj: 1355-1-3-274-3-112/20 objavljeno je na Portalu javnih nabavki dana 03.08.2020. godine.

Procijenjena vrijednost za predmetnu nabavku iznosila je 170.940,00 KM bez PDV-a.

Ponuda ponuđača "TUZLIĆ" d.o.o. Breza, ne ispunjava uslove propisane u tenderskoj dokumentaciji, jer nisu dostavili aktuelni izvod iz sudskog registra, potvrde o uspješnoj realizaciji ugovora u iznosu jednakom ili većem od procijenjene vrijednosti nabavke kao ni spisak izvršenih ugovora kaok je zahtijevano tenderskom dokumentacijom. Takođe ponuđač nije popunio Anekse koji su sastavni dio tenderske dokumentacije. Shodno tome ponuda ponuđača "TUZLIĆ" d.o.o. Breza se odbacuje u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Ostale ponude ponuđača „HYDRA“ d.o.o. Sarajevo u vrijednosti od 274.850,75 KM, ponude ponuđača „ITC“ d.o.o. Zenica u vrijednosti od 279.436,31 KM, ponude ponuđača „ŠPIC BETON“ d.o.o. Zenica u vrijednosti od 252.441,66 KM i ponude grupe ponuđača „ALMY“ d.o.o. Zenica i „ALMY-GRADNJA“ d.o.o. Zenica u vrijednosti od 294.261,28 KM znatno premašuju procijenjenu vrijednost nabavke koja je iznosila 170.940,00 KM bez PDV-a.

S obzirom na gore navedeno, Ugovorni organ poništava postupak javne nabavke u skladu sa članom 69. stav 2. tačka e) Zakona o javnim nabavkama.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa: Grad Zenica, Služba kabineta Gradonačelnika, Trg BIH 6, 72000 Zenica, u roku od 10 (deset) dana od dana prijema ove Odluke.

Žalba se podnosi u 3 (tri) primjerka u pisanoj formi.

Broj: 02-11-15057-2/20

Datum: 01.09.2020. godine

DOSTAVLJENO :

- 5 x Ponuđači
- 1 x Služba kabineta Gradonačelnika
- 1 x Tenderska dokumentacija
- 1 x a/a



GRADONAČELNIK:

Fuad Kasumović
Fuad Kasumović